

N A C R T

Bosanski jezik

**PROGRAM
O IZMJENAMA I DOPUNAMA PROGRAMA POLAGANJA ISPITA ZA
PROTIVPOŽARNU ZAŠTITU**

Sarajevo, decembar 2025. godina

Na osnovu člana 128. stav (6) i člana 159. tačka 5) Zakona o zaštiti od požara i vatrogastvu ("Službene novine Federacije BiH", br. 64/09 i 77/25), direktor Federalne uprave civilne zaštite donosi

**PROGRAM
O IZMJENAMA I DOPUNAMA PROGRAMA POLAGANJA ISPITA ZA
PROTIVPOŽARNU ZAŠTITU**

Član 1.

U Programu polaganja ispita za protivpožarnu zaštitu ("Službene novine Federacije BiH", broj 67/13), u tački 2. riječ „broj“ zamjenjuju se riječju „br.“, a iza broja „64/09“, dodaju se riječi: „i 77/25“.

Član 2.

U tački 29. na kraju iza tačke, dodaje se nova rečenica, koja glasi:

„Ukoliko postoji potreba, direktor kantonalne uprave civilne zaštite može, na prijedlog komisije iz tačke 8. ovog programa, odobriti i vanredni ispitni rok za polaganje ispita.“

Član 3.

U Sadržaju programa za polaganje ispita za protivpožarnu zaštitu, pod tačkom 5. alineja prva riječ „broj“ zamjenjuju se riječju „br.“, a iza broja „64/09“, dodaju se riječi: „i 77/25“.

Član 4.

Ovaj program stupa na snagu osmog dana od dana objavljivanja u "Službenim novinama Federacije BiH".

Broj:
Sarajevo, _____2025. godine

**Privremeno postavljeni
DIREKTOR**

Aldin Brašnjić

OBRAZLOŽENJE PROGRAMA O IZMJENAMA I DOPUNAMA PROGRAMA POLAGANJA ISPITA ZA PROTIVPOŽARNU ZAŠTITU

I - ZAKONSKI OSNOV ZA DONOŠENJE PROGRAMA

Zakonski osnov za donošenje Programa o izmjenama i dopunama programa polaganja ispita za protivpožarnu zaštitu (u daljem tekstu: Program) sadržan je u odredbama člana 128. stav (6) i člana 159. tačka 5) Zakona o zaštiti od požara i vatrogastvu ("Službene novine Federacije BiH", br. 64/09 i 77/25 u daljem tekstu: Zakon), kako je navedeno u uvodu Programa.

II - RAZLOZI ZA DONOŠENJE PROGRAMA I OBRAZLOŽENJE ODABRANE POLITIKE

U skladu sa odredbom člana 128. stav (6) Zakona, Federalna uprava civilne zaštite ima ovlaštenje za donošenje, između ostalog i programa ispita za protivpožarnu zaštitu, kojim se propisuje sadržaj i način polaganja ispita za protivpožarnu zaštitu za zaposlena lica koja su u pravnom licu, državnom organu ili drugoj instituciji određena da se staraju za provođenje poslova zaštite od požara, kao i lica raspoređena u službi zaštite od požara.

Tačkom 29. važećeg Programa polaganja ispita za protivpožarnu zaštitu propisano je da se ispit organizuje u aprilskom, junskom, septembarskom i novembarskom ispitnom roku, bez mogućnosti organizovanja vanrednih ispitnih rokova. U dosadašnjoj primjeni Programa, ovoj upravi su upućene inicijative za uvođenje većeg broja ispitnih rokova, prvenstveno zbog značajnog povećanja broja prijavljenih kandidata, usljed čega nije bilo moguće organizovati polaganje ispita za sve prijavljene kandidate u propisanim rokovima.

Radi prevazilaženja navedenih problema u praksi i omogućavanja efikasnog, pravovremenog i organizaciono izvodivog sprovođenja ispitnog postupka, ovim Programom uvodi se mogućnost organizovanja vanrednih ispitnih rokova. Vanredni ispitni rokovi održavali bi se u slučajevima kada postoji potreba i dovoljan broj prijavljenih kandidata, čime se obezbjeđuje fleksibilniji i funkcionalniji sistem sprovođenja ispita.

Odredbom člana 1. Programa, definiše se izvor prava i vrši se usklađivanje sa brojem Službenih novina.

Odredbom člana 2. Programa, omogućava se odobravanje vanrednog ispitnog roka u opravdanim situacijama i na obrazloženi prijedlog komisije. Cilj dopune je omogućiti veću fleksibilnost u realizaciji ispita za protivpožarnu zaštitu, te osigurati blagovremeno polaganje ispita u situacijama kada za to postoji opravdana potreba.

Odredbom člana 3. izvršene su odgovarajuće tehničke izmjene i u Sadržaju Programa radi dosljednosti, preglednosti i potpunog usklađivanja Programa i Sadržaja sa izvršenim dopunama.

Odredbom člana 4. Programa, utvrđeno je stupanje na snagu Programa.

III - USKLAĐENOST PROGRAMA SA EVROPSKIM ZAKONODAVSTVOM

U postupku izrade Programa izvršena je analiza relevantnih propisa Evropske unije iz oblasti zaštite od požara, stručnih kvalifikacija i ispitnih procedura. Na osnovu provedene analize utvrđeno je da Evropska unija nije donijela pravne akte koji direktno uređuju oblast organizacije i provođenja stručnih ispita za protivpožarnu zaštitu na način kako je regulisano ovim Programom.

S obzirom na to da se predmetni Program odnosi na interno uređenje ispitnih postupaka, organizaciona pitanja i nadležnosti organa u Federaciji Bosne i Hercegovine,

te da ne zadire u područja koja su harmonizovana sa pravnom stečevinom Evropske unije, konstatuje se da ne postoje propisi Evropske unije sa kojima bi se ovaj Program usklađivao.

IV - PROVEDBENI MEHANIZMI I NAČIN OSIGURANJA POŠTIVANJA PROGRAMA

Za provođenje i osiguranje poštivanja odredbi ovog Programa nadležni su direktori kantonalnih uprava civilne zaštite, koji su dužni organizovati, nadzirati i obezbijediti pravilnu primjenu propisanih procedura i obaveza u vezi s polaganjem ispita za protivpožarnu zaštitu. Nadzor nad primjenom Programa provodit će se kroz upravni i inspekcijski nadzor, u skladu sa Zakonom o zaštiti od požara. Upravni nadzor obuhvata kontrolu zakonitosti donošenja i primjene pojedinačnih akata i radnji u postupku polaganja ispita, dok se inspekcijski nadzor provodi radi utvrđivanja usklađenosti postupanja nadležnih organa sa odredbama Programa i drugim relevantnim propisima. Mjere i radnje preduzete u okviru nadzora obavezuju nadležne organe na otklanjanje uočenih nepravilnosti, osiguravanje pravilne primjene Programa i preduzimanje odgovarajućih upravnih mjera u slučaju njegovog nepoštivanja.

V - OPIS KONSULTACIJA VOĐENIH U PROCESU IZRADE PROGRAMA

U skladu sa odredbama člana 9. Uredbe o pravilima za učešće zainteresirane javnosti u postupku pripreme federalnih pravnih propisa i drugih akata („Službene novine Federacije BiH“, broj 51/12), ova uprava će sprovesti postupak konsultacija sa zainteresiranom javnosti. Pozivom ove uprave dostavljenim svim kantonalnim upravama civilne zaštite, jedinicama lokalne samouprave putem Saveza općina i gradova Federacije BiH i zainteresiranoj javnosti omogućeno je preuzimanje Programa, kao i obrasca sa uputstvom za dostavljanje komentara i prijedloga dopuna, putem zvanične web stranice ove uprave.

Kantonalne uprave civilne zaštite, jedinice lokalne samouprave i zainteresirana javnost će biti pozvana da, najkasnije do 05.01.2026. godine, dostave svoje primjedbe, komentare i prijedloge dopuna putem propisanog obrasca. Tokom perioda konsultacija svi dostavljeni prijedlozi će biti razmotreni, a prijedlozi koji budu prihvaćeni će se ugraditi u odgovarajuće odredbe Programa, a za prijedloge koji ne budu prihvaćeni dat će se jasno obrazloženje. Provedene konsultacije će omogućiti uključivanje svih relevantnih aktera u proces pripreme Programa i time će se doprinijeti kvalitetnijem i sveobuhvatnijem definisanju rješenja sadržanih u ovom Programu.

VI - PROCJENA EKONOMSKE OPRAVDANOSTI DONOŠENJA PROGRAMA

Donošenje Programa ne zahtijeva dodatna finansijska sredstva iz budžeta Federacije Bosne i Hercegovine niti iz budžeta kantona, te ne stvara nove finansijske obaveze za organe nadležne za njeno provođenje. Uredbom se uređuju organizaciona i proceduralna pitanja vezana za sprovođenje postupka polaganja ispita za protivpožarnu zaštitu, koja se realizuju u okviru postojećih kapaciteta. Troškove polaganja ispita snose pravna lica, državni organi ili druge institucije kod koje je kandidat u radnom odnosu. S obzirom na ovu činjenicu, donošenje Programa ne generira dodatne troškove za nadležne kantonalne uprave civilne zaštite, već se svi troškovi sprovođenja ispitnog postupka pokrivaju iz sredstava pravnih lica, državnih organa i drugih institucija koje upućuju kandidate na polaganje ispita. Uvođenje mogućnosti organizovanja vanrednih ispitnih rokova takođe ne uzrokuje dodatna finansijska opterećenja, budući da se ovi rokovi organizuju isključivo kada postoji potreba i dovoljan broj prijavljenih kandidata, čime se

obezbjeduje racionalno korištenje postojećih kapaciteta i izbjegava stvaranje suvišnih troškova.

Pored toga, donošenje Programa može imati pozitivne ekonomske efekte, jer omogućava brže sprovođenje ispitnih procedura, smanjuje administrativna kašnjenja i omogućava kandidatima da steknu potrebne kvalifikacije. Time se posredno unapređuje efikasnost i kvalitet rada pravnih lica, državnih organa i drugih institucija, što doprinosi ukupnoj sigurnosti u ovoj oblasti.

S obzirom na navedeno, donošenje Programa je ekonomski opravdano, ne stvara dodatne fiskalne obaveze, a njegova primjena doprinosi efikasnijem i ekonomičnijem upravljanju procesom polaganja ispita za protivpožarnu zaštitu.

VII - OBRAZLOŽENJE FINANSIJSKIH SREDSTAVA ZA PROVOĐENJE PROGRAMA I FINANSIJSKI EFEKTI PROGRAMA

Provođenje Programa ne zahtijeva dodatna finansijska sredstva iz budžeta kantona, jer se sve aktivnosti vezane za organizaciju i sprovođenje ispita realizuju u okviru postojećih kapaciteta nadležnih kantonalnih uprava civilne zaštite, a troškove polaganja ispita snose pravna lica, državni organi ili druge institucije koje upućuju kandidata na ispit, te samim tim Program ne stvara finansijsko opterećenje za organe civilne zaštite kantona. Održavanje eventualnih vanrednih ispitnih rokova takođe ne dovodi do povećanja troškova, budući da se organizuju samo kada postoji opravdana potreba i dovoljan broj kandidata.

Finansijski efekti Programa procjenjuju se kao neutralni za budžete kantona, dok se očekuje da će uvođenje vanrednih ispitnih rokova doprinijeti efikasnijem sprovođenju postupka i smanjenju administrativnih zastoja, bez stvaranja novih budžetskih obaveza.

VIII - RASPORED EVENTUALNOG PONOVOG PREISPITIVANJA DONESENOG PROGRAMA

Nadležna Federalna uprava će, u saradnji sa kantonalnim upravama civilne zaštite, pratiti primjenu Programa i njegovu usklađenost sa važećim propisima i potrebama prakse. Eventualno ponovno preispitivanje Programa provodit će se kontinuirano, u toku njegove primjene. Revizija Programa će se zasnivati na analizi primjene odredbi u praksi, izvještajima nadležnih organa, iskazanim potrebama kandidata i institucija, te eventualnim izmjenama relevantnih propisa u oblasti protivpožarne zaštite.

IX - MIŠLJENJA NADLEŽNIH ORGANA

Ured za zakonodavstvo i usklađenost sa propisima Evropske unije je aktom broj:

Federalno ministarstvo pravde je aktom broj:

Federalno ministarstvo finansija - Federalno ministarstvo financija je aktom broj: